

Coñece ao noso equipo



MARÍA LOUREIRO, IP do grupo ECO-IURIS da USC

María Loureiro García é Catedrática do Departamento de Fundamentos da Análise Económica da Universidade de Santiago de Compostela (USC), e dirixe o grupo de investigación interdisciplinar ECO-IURIS, que acaba de incorporarse a ECOBAS. María é Licenciada en Ciencias Económicas pola USC, e doutorouse na Washington State University (EUA), onde tamén cursou un programa de mestrado. Antes da súa incorporación á USC, desenvolveu a súa actividade laboral na Colorado State University (Estados Unidos), na Universidad Carlos III de Madrid e no Norwegian Agricultural Economics Research Institute.

O seu campo de estudo céntranse na economía ambiental e dos recursos naturais, no que ten dirixido 6 teses doutorais e máis de 40 proxectos de investigación e convenios e contratos de transferencia. Entre eles destaca o informe realizado para a Fiscalía de Galicia en relación aos custes ocasionados polo naufraxio do buque 'Prestige'. Como resultado de toda esta actividade, a Prof. Loureiro ten participado en máis dun centenar de publicacións científicas, a meirande parte delas indexadas en WOS/Scopus.

Ao longo da súa carreira profesional desempeñou diversos cargos académicos dentro da USC: secretaria da Escola Internacional de Doutoramento (EDIUS) entre 2014 e 2016, asesora do Vicerreitorado de Investigación e Internacionalización, e coordinadora, nesa universidade, do Programa de Doutoramento en Economía (entre 2012 e 2014), e do Programa de Doutoramento Interuniversitario en Análise Económica e Estratexia Empresarial (dende 2014). Ademais, dende 2008 é membro ordinario da European Association of Environmental and Resource Economists (AERE), da que foi vicepresidenta no ano 2019.

Noticias destacadas



A CÁTEDRA ARDÁN AMPLIARASE CON NOVOS OBXECTIVOS EN VISTA

Este convenio de colaboración entre o Consorcio da Zona Franca de Vigo e ECOBAS permitirá traballar nun novo indicador sobre a xestión do talento nas empresas galegas.



INVESTIGADORES DE ECOBAS CREAM A SPIN-OFF SEIXAS INVEST

Os investigadores Carlos M. Fernández-Jardón e Xavier Martínez Cobas son os creadores desta spin-off que ten coma obxectivo impulsar a pequenas e medianas empresas.

Convocatorias abertas e eventos de interese

Programa Principia 2020 (Prazo de presentación de solicitudes do 08/02 ao 08/04 de 2020)

Bolsa Fulbright España (Prazo de presentación de solicitudes do 14/01 ao 24/04 de 2020)

XXV Workshop on Dynamic Macroeconomics (Pazo de Soutomaior, Vigo, 1 -3 xullo)

20th Biennial Conference IIFET 2020 Galicia (Vigo, 31 agosto - 3 setembro)